



Tužilaštvo - Tužiteljstvo Bosne i Hercegovine
Тужилаштво Босне и Херцеговине

POSEBAN ODJEL ZA RATNE ZLOČINE

Broj: T 20 0 KTRZ 000 3141 12

Sarajevo, 08.08.2023. godine

SUD BOSNE I HERCEGOVINE
SARAJEVO

- Sudiji za prethodno saslušanje -
- Na broj: [REDACTED]

Na osnovu odredbe člana 35. stav 2. tačka i) i odredbe člana 226. stav 1. Zakona o krivičnom postupku Bosne i Hercegovine, podižem:

О П Т У Ж Н И Ц У

Protiv osumnjičenih:

[REDACTED] FERIDA BULJUBAŠIĆA, [REDACTED] rođenog [REDACTED] 1953.
godine u [REDACTED] Foči, [REDACTED]
[REDACTED] državljanina Bosne i Hercegovine,
[REDACTED]

[REDACTED] AHMETA SEJDIĆA, [REDACTED] rođenog [REDACTED] 1960. godine u
Višegradu, [REDACTED]
[REDACTED] državljanina BiH,
[REDACTED]

RAŠIDA SOBE, [redacted] rođenog [redacted] 1965. godine u
[redacted] Foči, [redacted]
[redacted] državljanina BiH, [redacted]

ŠEVKA GLUŠCA, [redacted] rođenog [redacted] 1961. godine
u [redacted] Foči, [redacted]
[redacted] državljanina BiH, [redacted]

ZAKIRA JAMAKA, [redacted] rođenog [redacted] 1969.
godine u [redacted] Višegradu, [redacted]
[redacted] državljanina BiH, [redacted]

BAHRUDINA MUHIĆA, zvanog „Bane“, [redacted] rođenog
[redacted] 1964. godine u [redacted]
[redacted] državljanina BiH, [redacted]

ADEMA FEHRICA, [redacted] rođenog [redacted] 1962. godine u
[redacted] Višegradu, [redacted]
[redacted] državljanina BiH, [redacted]

MUSTAFE POLJO, zvanog „Musa“, [redacted] rođenog
[redacted] 1965. godine u [redacted] Višegradu, [redacted]

državljanina BiH,

ENVERA KUSTURE, zvanog „PENA“,

rođenog 1967. godine

Višegradu,

BiH,

državljanina

MUHAMEDA LISKA,

rođenog

1973.

godine u

Višegradu,

državljanina BiH,

SAKIBA ČAKARE,

rođenog

1957. godine

u Višegradu,

državljanina BiH,

IZETA SEJDIĆA,

rođenog

1955. godine

u Višegradu,

Višegradu,

državljanina BiH,

MUNIRA NALO,

rođenog

1970. godine u

Višegradu,

državljanina BiH,

što su:

Za vrijeme rata u Bosni i Hercegovini, u toku oružanog sukoba između Teritorijalne odbrane BiH, odnosno Armije Republike Bosne i Hercegovine (ARBiH) i Vojske Republike Srpske (VRS), koji se odvijao na širem području opština Višegrad, Čajniče i Foča, od sredine 1992. godine do prve polovice 1993. godine, kao pripadnici ARBiH, postupajući protivno pravilima međunarodnog humanitarnog prava, kršeći odredbe članova 3. stav 1. tačka a) i c) i stav 2., 32., 33, 53. i 147. Ženevske konvencije (IV) o zaštiti civilnih lica za vrijeme rata od 12.08.1949. godine, člana 48., 49, 50., 51. stav 1., 2., 4 i 5., člana 52., 57., 75., 85. stav 3. tačka a., b. i d., 86 i 87. Dopunskog protokola I uz Ženevske konvencije od 12.08.1949. godine o zaštiti žrtava međunarodnih oružanih sukoba, člana 4. stav 1., 2. tačka a), b), d), e), g), člana 7., 8., 13. i 14. Dodatnog protokola II uz Ženevske konvencije od 12.08.1949. godine o zaštiti žrtava nemeđunarodnih oružanih sukoba, članova 23. stav 1. tačka g) i 25. Pravilnika o zakonima i običajima rata na kopnu koji je sastavni dio Konvencije o zakonima i običajima rata na kopnu od 18.10.1907. godine (IV Haška konvencija), na način da su: **Ferid Buljubašić**, u svojstvu komandanta Istočno-bosanske operativne grupe (IBOG) koja se nalazila u sastavu 1. Korpusa Armije RBiH i u koji su sačinjavali i bile podređeni komandi IBOG-a 1. Drinska brigada, 31. Drinska brigada, 43. Drinska brigada i 1. Višegradska brigada, **Ahmet Sejdić**, u svojstvu člana štaba oružanih snaga TO Višegrad i komandanta brigade oružanih snaga TO Višegrad (od kraja maja do početka oktobra 1992. godine) i komandanta 1. Višegradske brigade, koja se nalazila u sastavu IBOG-a (od oktobra 1992. do jula 1993. godine), **Rašid Sobo**, u svojstvu načelnika štaba 1. Višegradske brigade, **Zakir Jamak**, u svojstvu komandanta bataljona „Čole“ 1. Višegradske brigade, **Bahrudin Muhić**, u svojstvu komandira 1. čete bataljona „Vatra“ 1. Višegradske brigade, zamjenika komandanta bataljona „Vatra“ i, de facto, komandanta bataljona „Vatra“, **Ševko Glušac**, u svojstvu komandanta 2. bataljona 43. Drinske brigade, koja se nalazila u sastavu IBOG-a, **Adem Fehrić**, u svojstvu komandira 2. čete bataljona „Vatra“ 1. Višegradske brigade, **Mustafa Poljo**, u svojstvu komandira 3. čete bataljona „Vatra“ 1. Višegradske brigade, **Enver Kustura, zv. „Pena“**, u svojstvu pomoćnika načelnika štaba 1. Višegradske brigade za operativne poslove, **Muhamed Liska**, pripadnik bataljona „Čole“ 1. Višegradske brigade, **Sakib Čakar**, pripadnik bataljona „Čole“ 1. Višegradske brigade, **Izet Sejdić**, pripadnik bataljona „Čole“ 1. Višegradske brigade, **Munir Nalo** pripadnik bataljona „Čole“ Višegradske brigade,

I u periodu od kraja novembra 1992. godine pa sve do 19.12.1992. godine, u okviru planiranja, pripreme, dogovora za izvođenje i izvršenja vojne akcije „Laufer“ kao šire akcije IBOG radi proširenja koridora iz Goražda prema Sarajevu, planirali, dogovarali, pripremali, naredili, učinili, pomagali, podstrekavali, te pomagali u planiranju, pripremi i učinjenju krivičnog djela iz člana 173. stav 1 tačka a), b), c) i f) i 179. KZ BiH, te organizovali grupe njima podređenih lica radi izvršenja krivičnog djela iz člana 173. stav 1. tačka a), b), c) i f) KZ BiH, na način da je **Ferid Buljubašić** organizovao grupu njemu podređenih komandanata brigada u sastavu IBOG kojima je komandovao i rukovodio, a koju su, pored njega, činili

Ahmet Sejdić, komandant 1. Višegradske brigade,

i drugi njima poznati pripadnici IBOG i jedinica u sastavu IBOG, koji su tokom redovnih sastanaka u IBOG i na druge, njima poznate načine planirali, dogovarali i pripremali **protivpravni napad** dijela pripadnika brigada u sastavu IBOG AR BiH i to 1. Višegradske brigade (1.Vbr), 1. Drinske brigade (1.Dbr) i 43. Drinske brigade (43.Dbr) **na civilna lica srpske nacionalnosti MZ Jošanica**, opština Foča, i to zaseoke: Gapići, Medanovići, Baždari, Škobalji, Hodžići, Bjelice, Brajkovići, Bogavići, Vašadići i Ostrmci i Crnetići, **njihove kuće i objekte**, koji su, po njihovom naređenju, izvršila njima podređena lica, a koji napad i pravce napada su namjerno usmjerili na civile i civilne objekte, znajući da u selu ne postoji nikakav vojni cilj i svjesni da će usljed takvog napada na civilne ciljeve i tih radnji njih i njima podređenih lica kojima su komandovali i rukovodili doći do ubistava i ranjavanja civila i protivpravnog i vojnim potrebama

neopravdanog uništenja njihovih kuća, pomoćnih objekata i ostale pokretne i nepokretne imovine, što su htjeli, pri čemu je **Ferid Buljubašić** naredio njemu podređenom [REDACTED] da sačini detaljan operativni plan i odredi pravce napada, koji su definisani i formulisani u Zapovijesti za napad na desnoj i lijevoj obali rijeke Drine [REDACTED] od 12.12.1992. godine, te da sa **Ahmetom Sejdićem** i [REDACTED] detaljno operativno pripreme i izvrše navedeni napad, a što su [REDACTED] i **Ahmet Sejdić**, sa njemu podređenim načelnikom štaba 1. Vbr **Rašidom Sobom** i uradili, obavivši u okviru pripremnih radnji i izvidanje MZ Jošanica, opština Foča, i uvjerivši se da na lokalitetu koji je određen za predmet napada nema nikakvih vojnih ciljeva, već samo civilni, te je **Ahmet Sejdić** organizovao grupu njemu podređenog komandnog kadra 1. Vbr, kojima je komandovao i rukovodio i koji su činili **Rašid Sobo**, koji je po naređenju **Ahmeta Sejdića** komandovao i rukovodio svim komandantima bataljona, komandirima četa i pripadnicima 1. Vbr tokom napada na Jošanicu, te komandanti bataljona, koji su po naređenju **Ahmeta Sejdića** iz sastava bataljona izdvojili oko 200 pripadnika 1. Vbr od kojih je formirano oko 10 borbenih grupa sa po oko 20 pripadnika Vbr, koje su izvršile napad, pa je tako **Zakir Jamak** iz sastava bataljona „Čole“ 1. Vbr odredio i izdvojio oko 50 pripadnika od kojih je izvršeno formiranje najmanje 2. borbene grupe od po 20 pripadnika 1. Vbr koje su izvršila napad, kao i komandira četa, među kojima su bili **Bahrudin Muhić**, **Adem Fehrić**, **Mustafa Poljo** i dr., koji su iz sastava svojih četa bataljona „Vatra“ 1. Vbr izdvojili po oko 20 pripadnika od kojih je izvršeno formiranje 3. borbene grupa, i pri čemu su **Ahmet Sejdić**, **Rašid Sobo**, **Zakir Jamak** i njemu podređeni [REDACTED], **Bahrudin Muhić**, **Adem Fehrić**, **Mustafa Poljo** i dr. tokom sastanaka u komandi 1. Vbr i na druge, njima poznate načine dogovarali i detaljno operativno pripremili i definisali plan i pravce napada na Jošanicu svake od pojedinih grupa i načine njihovog sadejstva i koordinacije, u okviru čega su organizatori grupa **Rašid Sobo**, **Zakir Jamak**, [REDACTED] **Bahrudin Muhić**, **Adem Fehrić** i **Mustafa Poljo** zadužili sredstva veze, kojom su ostarivali međusobnu komunikaciju tokom napada, koordinišući međusobne aktivnosti i usmjeravajući pravce napada, te je dan uoči napada, 18.12.1992. godine na proširenju pored magistralnog puta Višegrad-Rogatica, između Međeđe i Ustiprača održano okupljanje oko 200 učesnika napada iz 1. Vbr gdje se svim okupljenima, među kojima su bili **Zakir Jamak**, **Sakib Čakar**, **Izet Sejdić**, **Muhamed Liska**, **Bahrudin Muhić**, **Adem Fehrić**, **Mustafa Poljo**, **Enver Kustura**, zv. „Pena“, **Munir Nalo**, obratio i **Ahmet Sejdić** naređujući im da izvrše navedeni protivpravni napad na civilne ciljeve, dok je **Rašid Sobo** čitao pravce napada iz Zapovijesti za napad na desnoj i lijevoj obali rijeke Drine [REDACTED] od 12.12.1992. godine, dok je, s druge strane, u međuvremenu [REDACTED] organizovao grupu njemu podređenog komandnog kadra 43. Dbr, koji su činili [REDACTED] i komandant 2. bataljona **Ševko Glušac**, koji su iz sastava svojih bataljona odredili i izdvojili po oko 50. pripadnika od kojih je izvršeno formiranje 4. borbene grupa, po 2. iz oba bataljona, od po 25. pripadnika koje su izvršile napad na zaseoke **Ostrmci** i **Crnetići**, te su tokom sastanaka u komandi 43. Dbr i na druge, njima poznate načine dogovarali i detaljno operativno pripremili i definisali plan i pravce napada svake od pojedinih grupa i načine njihovog sadejstva i koordinacije, u koju svrhu su [REDACTED] i **Ševko Glušac** zadužili sredstva veze, te su se svi učesnici napada, uključujući i komandante **Ferida Buljubašića**, [REDACTED], **Ahmeta Sejdića** i [REDACTED] okupili 18.12.1992. godine, u večernjim satima ispred škole u Sadbi, Opština Goražde, gdje je održan posljednji sastanak prije napada kojem su prisustvovali navedeni komandanti, te **Rašid Sobo**, **Zakir Jamak**, [REDACTED] **Bahrudin Muhić**, **Adem Fehrić**, **Mustafa Poljo** i drugi komandiri, na kojim su konačno dogovoreni konkretni zadaci, plan i pravci napada svake od pojedinih grupa i njihovo sadejstvo i koordinacija i gdje su već formiranim grupama 1. Vbr i 43. Dbr dodjeljeni vođiči iz 1. Dbr, koji su poznavali put i područje Jošanice i nakon čega je **Ahmet Sejdić** svim prisutnim, njemu podređenim pripadnicima 1. Vbr naredio da izvrše napad na Jošanicu i odakle su krenuli isto veče prema Jošanici, pri čemu se

Rašid Sobo, Zakir Jamak, Bahrudin Muhić, Adem Fehrić i Mustafa Poljo, zajedno sa oko 200. njima podređenih pripadnika 1.Vbr među kojima su bili i **Zakiru Jamku** podređeni pripadnici bataljona [REDACTED] **Sakib Čakar, Izet Sejdić, Muhamed Liska, Munir Nalo**, kao i nekoliko pripadnika 1.Dbr u svojstvu vodiča, među kojima je bio i [REDACTED], prošli između linije VRS, Preljuća-Cerova Ravan, koja je u dužini od oko 5 kilometara bila nebranjena i nepovezana i krećući se pravcem Sadba-Hajradinovići-Huseinovići ušli oko 10 km u dubinu teritorije pod kontrolom VRS, na brdo iznad Jošanice, lokalitet - šuma zv. „Cerovača“, koja je određena kao istureno komandno mjesto (IKM), dok su **Ševko Glušac** i [REDACTED], po prethodnom planu i dogovoru i naređenju [REDACTED], zajedno sa oko 100. njima podređenih pripadnika 43. Dub, krećući se pravcem Sadba-Gabelići, preko Crijeteža i Krčinog brda, pred zoru 19.12.1992. godine stigli iznad zaseoka Crnetići i Ostrmci, raspoređujući se oko navedenih zaseoka, i koji napad je započet 19.12.1992. godine, u ranim jutarnjim satima, oko 05:00 časova, dok je istovremeno, s druge strane **Rašid Sobo** sa IKM, odakle je imao optičku vidljivost sela, komandovao i rukovodio cjelokupnom grupom od 200 pripadnika 1. Vbr u navedenom napadu, koji su bili raspoređeni u približno 10. grupa od po 20. vojnika, pripadnika bataljona „Čole“, „Vatra“, „16. maj“, „Lim“ i vojne policije 1.Vbr, u čijim sastavima je bilo i po 1-2 pripadnika 1.Dub u svojstvu vodiča, koji su poznavali teren, među kojima je bio i [REDACTED], vodič grupe pripadnika bataljona „Vatra“, te je **Rašid Sobo** izdavao naredbe putem sredstava veze **Zakiru Jamku, [REDACTED], Bahrudinu Muhiću, Ademu Fehriću, Mustafi Polji** i dr., koordinišući i usaglašavajući njihove pravce napada i radnje, što su navedeni osumnjičeni i sami radili međusobno, neposredno na terenu i putem sredstava veze koje su posjedovali i ostvarivali međusobnu komunikaciju, i odakle su, u skladu sa prethodnim planom i dogovorom, **Zakir Jamak, Bahrudin Muhić, Adem Fehrić, Mustafa Poljo**, zajedno sa njima podređenim pripadnicima grupa 1.Vbr izvršili napad na civilno stanovništvo srpske nacionalnosti MZ Jošanica, njihove kuće i pomoćne objekte i to zaseoke: Gapići, Medanovići, Baždari, Škobalji, Hodžići, Bjelice, Brajkovići, Bogavići i Vašadići, pri čemu je **Zakir Jamak**, nakon što je prethodno organizovao cjelokupnu grupu od oko 50 njemu podređenih pripadnika bataljona „Čole“, neposredno u toku napada komandovao i rukovodio jednom grupom od 20-30 vojnika njemu podređenih pripadnika bataljona „Čole“, usmjeravajući pravce napada te grupe i raspoređujući ih, dok je drugom grupom od 20-30 pripadnika navedenog bataljona, među kojima su bili i **Sakib Čakar, Izet Sejdić, Munir Nalo i Muhamed Liska**, kao pripadnici grupe, po naređenju **Zakira Jamka** i prethodnom planu i dogovoru, komandovao i rukovodio njemu podređeni, [REDACTED], **Bahrudin Muhić** organizovao cjelokupnu grupu od oko 60 njemu podređenih pripadnika bataljona „Vatra“, od kojih je neposredno u toku napada komandovao i rukovodio jednom grupom od 20 njemu podređenih pripadnika bataljona „Vatra“, usmjeravajući pravce napada grupe i raspoređujući ih, drugom grupom od 20 pripadnika navedenog bataljona, po njegovom naređenju i prethodnom planu i dogovoru, komandovao i rukovodio njemu podređeni, **Adem Fehrić**, organizujući navedenu grupu i usmjeravajući pravce napada te grupe, dok je trećom grupom od 20 pripadnika navedenog bataljona, po Muhićevom naređenju i prethodnom planu i dogovoru, komandovao i rukovodio njemu podređeni **Mustafa Poljo**, organizujući navedenu grupu i usmjeravajući pravce napada te grupe i raspoređujući ih, dok su u međuvremenu, **Ševko Glušac**, po prethodnom planu, dogovoru i naređenju [REDACTED], organizovao grupu od oko 60 njemu podređenih pripadnika 43.Dbr, od kojih je neposredno u toku napada komandovao i rukovodio jednom grupom od 30 vojnika njemu podređenih pripadnika bataljona, dok je drugom grupom od oko 30 pripadnika navedenog bataljona, po naređenju **Ševka Glušca** i prethodnom planu i dogovoru, komandovao i rukovodio njemu podređeni [REDACTED], i pri čemu je **Ševko Glušac** usmjerio pravce napada ovih grupa na zaseok Crnetići, dok je grupom od 50 pripadnika 43.Dub, kojom je komandovao i rukovodio [REDACTED] izvršila napad na Ostrmce, i pri čemu su **Rašid**

Sobo, Zakir Jamak, Bahrudin Muhić, Adem Fehrić, Mustafa Poljo i Ševko Glušac, namjerno usmjerili napad i pravce napada njih i njima podređenih lica, među kojima su bili i **Sakib Čakar, Izet Sejdić, Muhamed Liska, Munir Nalo, Enver Kustura, zv. „Pena“** i dr., na civile i civilne objekte, koordinišući i usaglašavajući aktivnosti međusobno, kao i ostvarujući međusobnu komunikaciju neposredno i putem sredstava veze, i svjesni da će usljed takvog napada na civilne ciljeve i tih radnji njih i, u odnosu na Rašida Sobu, Zakira Jamka, Bahrudina Muhića, Adema Fehrića, Mustafa Polje i Ševka Glušca, njima podređenih pripadnika grupa kojima su komandovali i rukovodili doći do ubistava i ranjavanja civila i protivpravnog i vojnim potrebama neopravdanog uništenja njihovih kuća, pomoćnih objekata i ostale pokretne i nepokretne imovine, što su htjeli, i u toku kog napadu su **Zakir Jamak, Bahrudin Muhić, Adem Fehrić, Mustafa Poljo i Ševko Glušac**, kao organizatori grupa, te **Sakib Čakar, Izet Sejdić, Muhamed Liska, Munir Nalo, Enver Kustura, zv. „Pena“** i drugi njima podređeni pripadnici navedenih grupa, zajedno sa ostalim učesnicima napada, kružno se raspoređujući oko sela i opkoljavajući ga, te krećući se linijski i polukružno u razmacima od nekoliko metara, izvršili protivpravni napad na civile i civilne objekte na način da su bacali bombe i pucali iz vatrenog i drugog oružja, uključujući i ubojita sredstva i pješadijsko oružje većeg kalibra na kuće i civile koji su se zatekli u kućama ili ispred kuća, štala, i pomoćnih objekata, koje su palili, ili u pokušaju bijega ili sakrivanja, i u kom napadu su svi učesnici napada, među kojima su i navedeni osumnjičeni lišili života 56 lica srpske nacionalnosti, ranili oko 10 lica, uništili paljenjem njihove kuće i pomoćne objekte, i to:

- u zaseoku **Gapići** pucanjem iz vatrenog oružja lišili su života civile srpske nacionalnosti:

[REDACTED] dok su paljenjem uništili sljedeće objekte: kuću, štalu i kolibu, vlasništvo [REDACTED], kuću, dvije štale i kolibu, vlasništvo [REDACTED] i kuću, štalu i kolibu vlasništvo, [REDACTED]

- u zaseoku **Medanovići** pucanjem iz vatrenog oružja lišili su života civile srpske nacionalnosti:

[REDACTED], dok su paljenjem uništili kuću, štalu i kolibu, vlasništvo [REDACTED] i kuću, štalu i kolibu, vlasništvo [REDACTED]

- u zaseoku **Brajkovići** su paljenjem uništili sljedeće objekte: kuću, štalu i kolibu, vlasništvo [REDACTED], dvije kuće, dvije štale i kolibu, vlasništvo [REDACTED], kuću, tri štale i kolibu, vlasništvo [REDACTED], kuću, štalu i kolibu, vlasništvo [REDACTED], kuću, dvije štale i kolibu, vlasništvo [REDACTED] i kuću, štalu i kolibu, vlasništvo [REDACTED];

- nakon što su, zajedno sa drugim učesnicima napada i pripadnicima 1. Vbr oko 20 civila srpske nacionalnosti natjerali u bijeg na lokalitet „**Vilina**“ ispod Brajkovića, gdje su se skrili u šumi kod potoka, **Zakir Jamak, Sakib Čakar, Munir Nalo, Izet Sejdić i Muhamed Liska**, zajedno sa još nekoliko njima poznatih pripadnika bataljona „**Čole**“ 1. Vbr i drugih pripadnika 1. Vbr, pucanjem iz vatrenog oružja i bacanjem bombi lišili života civile srpske nacionalnosti: [REDACTED]

[REDACTED]

- u zaseoku **Baždari** pucanjem iz vatrenog oružja lišili su života civile srpske nacionalnosti:

[REDACTED] dok su paljenjem uništili kuću, dvije štale i kolibu, vlasništvo [REDACTED], kuću, dvije štale i kolibu, vlasništvo [REDACTED], i kuću, štalu i kolibu, vlasništvo [REDACTED]

- u zaseoku **Hodžići** pucanjem iz vatrenog oružja lišili su života civile srpske nacionalnosti:

[REDACTED] dok su paljenjem uništili sljedeće objekte: kuću, štalu i kolibu, vlasništvo [REDACTED], kuću, štalu i kolibu, vlasništvo [REDACTED], kuću, štalu i dvije kolibe, vlasništvo [REDACTED], kuću, štalu i kolibu, vlasništvo [REDACTED], kuću, dvije štale i kolibu, vlasništvo [REDACTED] i kuću, dvije štale i kolibu, vlasništvo [REDACTED]

- u zaseoku **Škobalji**, komandujući i rukovodeći grupom od oko 50 pripadnika bataljona „Čole“ 1.Vbr, unutar koje je jednom manjom grupom od njih oko 20, po njegovom naređenju i prethodnom planu i dogovoru, u toku napada komandovao i rukovodio njemu podređeni, [REDACTED], **Zakir Jamak**, zajedno sa još nekoliko njima poznatih pripadnika bataljona „Čole“ 1Vbr i drugih pripadnika 1Vbr, pucanjem iz vatrenog oružja lišili su života civile srpske nacionalnosti:

[REDACTED] dok su paljenjem uništili sljedeće objekte: kuću, dvije štale i kolibu, vlasništvo [REDACTED], kuću, štalu i kolibu, vlasništvo [REDACTED], kuću, dvije štale i kolibu, vlasništvo [REDACTED], kuću, štalu i kolibu, vlasništvo [REDACTED], kuću, štalu i kolibu, vlasništvo [REDACTED], kuću, štalu i kolibu, vlasništvo [REDACTED], kuću, štalu i kolibu, vlasništvo [REDACTED], kuću, štalu i kolibu, vlasništvo [REDACTED], kuću, štalu i kolibu, vlasništvo [REDACTED] i kuću, štalu i kolibu, vlasništvo [REDACTED]

- u zaseoku **Bogavići**, pored kuće [REDACTED], pucanjem iz vatrenog oružja lišili su života civila srpske nacionalnosti [REDACTED], ranili su: [REDACTED], u predjelu desne noge, usljed čega mu je amputirana desna noga ispod koljena, [REDACTED], u predjelu lijeve ruke i desne noge, dok su paljenjem uništili kuću, dvije štale i kolibu, vlasništvo [REDACTED], kuću, dvije štale i kolibu, vlasništvo [REDACTED] i štalu, vlasništvo [REDACTED]

- pored Malog mosta na rijeci Jošanica, na putu **Vašadići-Bogavići**, pucanjem iz vatrenog oružja ranjeni su [REDACTED], nakon čega je [REDACTED] lišena života pucanjem iz vatrenog oružja, a [REDACTED] usmrćen probadanjem oštrim predmetom u predjelu vrata;

- u zaseoku **Vašadići**, pucanjem iz vatrenog oružja ranjeni su [REDACTED] (u predjelu noge) i [REDACTED] (u predjelu grudnog koša), dok su paljenjem uništili kuću, štalu i kolibu, vlasništvo [REDACTED];

- u zaseoku **Bjelice**, u kući [REDACTED], pucanjem iz vatrenog oružja lišili su života civila srpske nacionalnosti [REDACTED], ranili [REDACTED] u predjelu lijevog i desnog grudnog koša, dok su paljenjem uništili sljedeće objekte: kuću, dvije štale i kolibu, vlasništvo [REDACTED], kuću, štalu i kolibu, vlasništvo [REDACTED], kuću, dvije štale sa stokom i kolibu, vlasništvo [REDACTED], kuću, dvije štale i kolibu, vlasništvo [REDACTED] i kuću, štalu i kolibu, vlasništvo [REDACTED]

- u zaseoku **Ostrmci** pucanjem iz vatrenog oružja lišili su života [REDACTED], ranili su u predjelu ruke i noge [REDACTED], dok su paljenjem uništili sljedeće objekte: kuću, dvije štale i kolibu, vlasništvo [REDACTED], kuću, dvije štale i kolibu, vlasništvo [REDACTED], kuću, dvije štale i kolibu, vlasništvo [REDACTED], kuću, dvije štale i kolibu, vlasništvo [REDACTED], kuću, dvije štale i kolibu, vlasništvo [REDACTED], kuću, dvije štale i kolibu, vlasništvo [REDACTED] i kuću, štalu i kolibu, vlasništvo [REDACTED]

- u zaseoku **Crnetići** pucanjem iz vatrenog oružja ispred njihove porodične kuće lišili su života civile srpske nacionalnosti: [REDACTED], ranili su u predjelu ruke i noge [REDACTED], dok su paljenjem uništili sljedeće objekte: kuću, dvije štale i kolibu, vlasništvo [REDACTED], kuću, dvije štale i kolibu, vlasništvo [REDACTED], kuću, dvije štale i kolibu, vlasništvo [REDACTED], kuću, štalu i kolibu, vlasništvo [REDACTED], kuću, dvije štale i kolibu, vlasništvo [REDACTED], kuću, štalu i kolibu, vlasništvo [REDACTED], kuću, dvije štale i kolibu, vlasništvo [REDACTED], kuću, štalu i kolibu, vlasništvo [REDACTED] i kuću, dvije štale i kolibu, vlasništvo [REDACTED]

- na lokalitetu **Petaci**, na kilometar i po od zaseoka Crnetići, pucanjem iz vatrenog oružja lišili su života civile srpske nacionalnosti [REDACTED], čije je tijelo pronađeno u aprilu 1993. godine;

- nakon što su u Jošanici zarobljeni civili srpske nacionalnosti [REDACTED] iste su doveli na proplanak u neposrednoj blizini IKM, te pucanjem iz vatrenog oružja lišili života, a njihova tijela su pronađena 21.03.1993. godine na lokalitetu šume zv. Cerovača, 50 metara od puta iz zaseoka Brajkovići prema selu Guvnište, a od kojih 56 ubijenih lica, 3 lica su lišena života na sljedeći način:

Bahrudin Muhić, sa još 2-3 pripadnika bataljona „Vatra“, kojim je komandovao i rukovodio, među kojima je bio i **Enver Kustura, zv. „Pena“**, svi naoružani automatski puškama, nakon što su tokom napada i paljenja kuća uočili jedno [REDACTED] muško lice koje je bježalo niz padinu, pucanjem iz vatrenog oružja lišili ga života, te, krećući se dalje, nakon što su uočili sakriveno u šupi još jedno [REDACTED] muško lice i pozivali ga da se preda, što je on i učinio, izlazeći ispred šupe, **Bahrudin Muhić, Enver Kustura, zv. „Pena“** i još jedno njima poznato lice, pucanjem iz vatrenog oružja lišili su ga života, te se nastavili dalje kretati i nakon što su u šipražju uočili [REDACTED] žensku osobu, **Bahrudin Muhić** i još jedno, njemu poznato lice su je pucanjem iz vatrenog oružja lišili života;

II **Ahmet Sejd**ić, u svojstvu člana Štaba oružanih snaga TO Višegrad i komandanta brigade oružanih snaga TO Višegrad, zajedno sa drugim članovima Štaba planirao, te lično kao komadant brigade oružanih snaga TO Višegrad pripremio, organizovao i naredio napad na sela Klisure, Bursići i Hadrovići u opštini Višegrad u kojim selima su živjeli civili srpske nacionalnosti, svjestan da u navedenim selima nema bilo kakvih vojnih ciljeva i da se u navedenim selima nalazi samo civilno stanovništvo, te dana 08.08.1992. godine u jutarnjim satima, zajedno sa više naoružanih pripadnika brigade oružanih snaga TO Višegrad, kojima je komandovao, izvršio prethodno planirani pješadijski napad na sela Klisure, Bursiće i Hadroviće, nastanjena civilnim stanovništvom srpske nacionalnosti i lično u njemu učestvovao, rasporedivši svoje vojnike u više grupa, koji su iz više pravaca izvršili napad na navedena sela i ušli u sela dejstvujući iz vatrenog oružja, prvo prema civilima koje su zatekli izvan kuća, a nakon toga prema civilnim objektima i civilima koji su u njima boravili, tokom kojeg napada su uništavali civilnu imovinu, namjernim paljenjem civilnih objekata iz kojih su prethodno uzimali stvari, hranu i stoku, pa je taj napad za posljedicu imao lišenje života osam civila i to

[REDACTED], ranjavanje civila [REDACTED] dok su civile [REDACTED] bez bilo kakvog pravnog osnova lišili slobode i odveli u mjesto Međeđa, gdje su navedeni civili nezakonito držani zatvoreni u magacinu Zadružni dom oko tri mjeseca;

III **Ferid Buljubašić**, u svojstvu komandanta IBOG, čiji pripadnici brigada iz sastava IBOG-a su dana 14.02.1993.godine, u ranim jutarnjim satima, po naredbi osumnjičenog Buljubašić Ferida izvršile napad na položaje Vojske Republike Srpske na lokalitetu Pisanica, Kozara, Kosovo, Vučinića brdo, Stražica i dr., na području opštine Čajniče, kojom prilikom su nepoznati pripadnici II. i III. bataljona 43. Drinske brigade, pod neposrednom komandom [REDACTED]

[REDACTED], koristeći propusnost granice prema Crnoj Gori preko sela Močevići, Bunguri i Kukavica, koji pripadaju Crnoj Gori, u toku noći između 13. i 14. februara 1993. godine ušli na područje sela Šapići, Trpinje, Trojan i Ponikve, opština Čajniče, u kojima je živjelo srpsko stanovništvo, a koji napad i pravce napada su namjerno usmjerili na civile i civilne objekte, kom prilikom su nepoznati pripadnici 43. Drinske brigade u selima Šapići, Trpinje i Trojan pucanjem iz automatskog oružja ubili jedanaest civila srpske nacionalnosti među kojima su bili stariji muškarci i žene i jedno dijete i to:

[REDACTED] ranili pet civila srpske nacionalnosti među kojima su bili:

[REDACTED] u selu Šapići zapalili kuće [REDACTED] dok su nepoznati pripadnici I. Drinske brigade, u selu Ponikve lišili slobode civile [REDACTED] dok su se one kretale prema teritoriji Crne Gore, za koje vrijeme je osumnjičeni Buljubašić Ferid, sa jednim vojnikom bio na brdu u rejonu Dobroša, opština Čajniče, odakle je rukovodio tokom napada i putem motorole kontaktirao sa komadantima brigada koje su učestvovale u napadu, koji su, po njegovom naređenju, izvršila njemu podređena lica, znajući da u navedenim selima ne postoji nikakav vojni cilj, s obzirom da su prije napada od strane pripadnika IBOG-a izvršena višednevna izviđanja

cjelokupne teritorije Čajniča, praćenja položaja Vojske Republike Srpske i dobivenih podataka od jedinica IBOG-a koje su bile u dodiru na pravcu napada sa pripadnicima Vojske Republike Srpske, te s obzirom na njegovo vojno iskustvo i obrazovanje, bio svjestan da usljed takvog napada na civilne ciljeve njemu podređenih lica kojima je komandovao i rukovodio može doći do ubistava i ranjavanja civila i protivpravnog i vojnim potrebama neopravdanog uništenja njihovih kuća, pomoćnih objekata i ostale pokretne i nepokretne imovine, na šta je pristao,

dakle, kršeći pravila međunarodnog prava za vrijeme rata i oružanog sukoba, planirali, pripremali, dogovarali, naredili, podstrekavali, učinili, pomagali u planiranju, pripremi i učinjenju, organizovali grupu ljudi radi vršenja krivičnog djela, počinili povrede zakona i običaja rata, čime bi počinili sljedeća krivična djela:

1) Ratni zločin protiv civilnog stanovništva iz člana 173. stav 1. tačka a) i f) KZ BiH i to:

- svi osumnjičeni, radnjama pod tačkom I. optužnice,
- osumnjičeni Ahmet Sejdić, dodatno, i radnjama pod tačkom II. Optužnice;

Ratni zločin protiv civilnog stanovništva iz člana 173. stav 1. tačka a), e) i f) KZ BiH:

- osumnjičeni Ferid Buljubašić, dodatno, i radnjama pod tačkom III. Optužnice.

Ratni zločin protiv civilnog stanovništva iz člana 173. stav 1. tačka c) KZ BiH:

- osumnjičeni Zakir Jamak, Sakib Čakar, Munir Nalo, Izet Sejdić i Muhamed Liska, i to radnjama pod tačkom I (*u zaseoku Škobalji i na lokalitetu Vilina*),
- osumnjičeni Bahrudin Muhić i Enver Kustura, zv. „Pena“, radnjama pod tačkom I (*ubistvo 3 lica*):

2) Organizovanje grupe ljudi i podstrekavanje na učinjenje krivičnih djela genocida, zločina protiv čovječnosti i ratnih zločina iz člana 176. i to:

- stav 1: osumnjičeni Ferid Buljubašić, Ahmet Sejdić, Rašid Sobo, Zakir Jamak, Bahrudin Muhić, Adem Fehrić, Mustafa Poljo i Ševko Glušac, svi radnjama pod tačkom I.,
- stav 2: osumnjičeni Sakib Čakar, Izet Sejdić, Muhamed Liska, Munir Nalo i Enver Kustura, zv. „Pena“, svi radnjama pod tačkom I.;

3) Povrede zakona ili običaja rata iz člana 179. stav 1. i 2. tačka b) KZ BiH, i to svi osumnjičeni, radnjama pod tačkom I.

a sve u vezi sa članovima 29., 30., 31., 35., 180. stav 1. KZ BiH.

**Tužioci – Tužitelji
Tužiteljstvo-Tužilaštvo BiH**